

續天津縣志卷十六

藝文一

疏

長蘆鹽政  
莽鵠立

奏爲請正疆域以便吏治事竊臣查天津一衛始於

前明散軍屯田分布各州各縣自天津直至山東

德州衛交界四百餘里津衛屯田皆與民莊錯雜

因設守備治之我

朝定鼎以來雖有衛備之官而無屯田之軍納糧當

差與民一體現在改衛爲州實爲畫一但天津所

續天津縣志

卷十六

藝文一  
疏

一

管屯莊俱在各州各縣遠有三四百里不等津城

附近反無統屬西門南門以外卽爲靜海縣地方

北門東門以外僅隔一河又係武清縣地方靜海

猶是河間府屬津道易於佈置武清則係順天府

屬兼轄於通永道員而天津道駐劄於此一有緩

急雖咫尺之民呼應不靈且州牧一官徵解錢糧

審理詞訟緝追捕盜修理城池倉庫以及傳發公

文應差夫役種種不一皆有考成乃所屬屯民遠

之在於三四百里近之止於一城之地欲其趨事

辦公緩急有備也難矣仰請

皇上敕下直隸督臣詳加妥議將天津州改爲直隸州分武清靜海青縣三邑屬之至於天津舊轄之寫遠屯民卽就近分隸於各該州縣其附近天津百里內村民向爲武清靜海所屬者查明丁戶地畝錢糧相度地勢俱歸天津州管轄如此則經界整齊設施便利旣無鞭長不及之虞亦無鄰封掣肘之患庶幾官民兩便於治道不無裨於萬一矣奉

旨好

雍正三年七月初八日

長蘆鹽政

莽鵠立

續天津縣志

卷十六 藝文一

二

奏爲水勢要害之處宜修隄防以護城垣以保生靈事竊查天津地勢卑下爲衆水匯歸之所北由神京西通諸淀南接運河皆會流於津而入海但海口之消納與他處稍異每年白露以前或遇河水漲發渾流急奔之時海潮壅遏不受河流以致狂波怒嘯危如纍卵大約天津受衝之區要地有三焉一曰城西南之教場一曰城北之老君堂一曰城東北之小關口三者之中目下惟老君堂爲最蓋教場當南河之衝水繞北流河道紆折又賴大隄防護可保無虞其小關口當北河之衝北場坨

鹽盡堆於此儻有衝決商本盡傾

國課無辦關係匪輕然爲南北二河出海之門戶業有版堤實土以捍之再加修築可制洪波至若老君堂舊基一處前有南河後有北河南旣臨岸而北河汎濫漫過支渠直薄其下又無隄岸防護連年前後冲塌數十餘丈僅存一線土埂現今水勢陡發南北兩河之水相隔此埂不過丈餘左右居民腹背受患幾至不保况北河水高勢猛此地一決則兩河之水合而爲一直衝城北之單街夫單街逼近津城市廛商民不啻數萬其城壕旣窄且淺不能容水而城牆多傾且薄不足禦水霪雨連綿大爲可憂所以老君堂一岸爲要害之尤者也茲據天津士民華天祚等公呈臣卽會同鎮臣道臣親往土埂勘查形勢見此一處事尤緊要臣等一面各捐數百金令華天祚等募夫培築一面祈禱闡口龍神力爲保障幸賴

皇上洪福雲收雨霽河水汎濫之勢漸覺停止目前可謂

無慮但未雨綢繆爲將來萬全之策宜先從老君堂一帶築隄保護并將河北之支渠用土填塞次將小關口并教場兩處隄岸加謹堅修凡居此土

者官吏商民或捐資或助力莫不各出情願除據  
呈批飭天津道臣柯喬年詳查妥議到日捐修外  
臣爲地方水勢民命攸關謹繪河圖進呈

御覽伏祈

皇上睿鑒施行

雍正三年七月初八日

恭謝

巡幸天津分別蠲免經過地方積欠摺子 紀 昀

惟我

皇上仁溥堯天澤先禹甸省耕省斂時關望歲之心一豫

續天津縣志

卷十六

藝文一摺子

四

一遊恆布寬征之命五十九年之內加惠者筆不  
勝書百卅三邑之中食福者頌難縷述固已衢尊  
徧沃久壽寓之同登今茲

日御時巡復

恩綸之疊沛粵當春月

俯念三農遂涉川途

親臨一二淀候瞻蒲葉用觀冀北之田功波漲桃花兼閱燕  
南之水利青旗拂柳將詰旦以鳴鸞

黃閣宣麻早先期而奉

詔

翠華西指初程起析木之津

鳳船東臨連界入長蘆之野凡屬經行之地正供者十已

蠲三更於倚閣之餘宿負者七仍免四迨至直沽

口畔

駐雲蹕者五朝復念滄海涯邊近

天光者七邑曾屢沾乎渥澤望

幸原深併全貸其積逋承

恩尤渥是皆疊邀寬減又寬減之

特施定知久慶盈甯覺盈甯之倍益錫簫社鼓處處歌吟

蟹舍漁莊人人抃舞直覺迎舟之魚鳥亦似欣愉

續天津縣志

卷十六

藝文一摺子

五

頓令刺水之菰蒲皆增暢茂歡騰鄉遂慶溢郊圻  
臣等來自田間叨登仕籍比樓臺之近水易荷生  
成聞桑梓之逢春彌增悅澤雖風謠響答已皆上

達於

宸聰而銜結情殷擬卽仰申其私祝

鑾道左待叩額於華芝綵仗之前翹首

畿南共馳懷於桂楫蘭舟之側

乾隆五十九年

長蘆鹽政

那蘇圖

奏查天津水勢自初九日消落數寸之後十一

等日復又增長尺餘十四五等日風雨交作水激浪湧將

行宮挑築隄埵汕刷滲漏院內積水尺餘房屋牆垣

間有坍塌

臣

親往查看連夜多雇人夫趕緊加築

搶護隄埵尙保無虞至天津府城西門外臨河之

芥園教場一帶灘低受患舊築大隄一道爲防護

津城扼要之處每年一交夏令豫行加高培厚以

資防禦天津道府暨文武員弁駐工防守臣親赴

大隄逐段查看現俱築土培高員弁梭織巡防時

加保護惟天津爲衆水匯歸入海之地現值海不

續天津縣志

卷十六

藝文一

六

收水逆頂內河之水又兼上游各河水日漸增長以致泛溢四鄉村莊田地被淹較多禾稼受傷秋成難望十八日自丑至午大雨傾注東南風緊海河倒漾之水漫溢府城南門西門關廂積水淹浸居民奔避入城各覓棲止現經天津道蔡齊明知府楊志信知縣沈長春等設廠煮粥急賑其四鄉被淹村莊已經該地方官分路查勘亦卽量加撫卹不致災黎失所又據長蘆商人郭利和江公源等呈稱商等直省引鹽現查順天及河間天津等府均受水患運到各州縣之引鹽多有淹沒天津

塢鹽坵地晝夜加築搶護無如河與隄埽積水無從消洩存坵鹽勛雨淋水浸盪沒二萬六千餘包河流湍急糧船貨載均皆停泊守候鹽船亦難涉險挽運不得不將被水悞運情形據實呈明等情臣伏查引地運到之鹽被水淹沒天津存坵鹽包又經淋浸傷耗卽欲趕緊築運而河流駛激挽運維艱被災悞運勢所不免隨飭運使伊勒圖將各府所屬衆商行運引地並坵地被淹鹽包逐一確查詳報以憑核辦臣正在繕摺具奏間承准

廷寄欽奉

續天津縣志

卷十六

藝文一疏

七

上諭

臣

隨飭天津道府各員將所有隄閘橋梁妥爲防護

至低窪村莊被水淹浸者務卽設法疏消加意撫

卹臣

於拜摺後卽率同天津道

臣

蔡齊明前赴淀

河海河一帶查勘

嘉慶六年六月二十五日

長蘆鹽政

那蘇圖

奏臣欽遵

諭旨

一面轉飭天津道府各官將所有隄閘橋梁加意防

護至低窪村莊有被淹浸者迅速設法疏消加意

撫卹一面同天津道蔡齊明乘坐小船由三岔河

先至海河一帶查看緣該河並無隄岸河西有疊道一條石閘七座近口上游各河來水洶湧宣洩不及又因海潮逆流而上倒漾湍流將疊道石閘均被漫溢二十一二等日復同天津道蔡齊明前赴定沙河一帶查看所有南北運河定沙河及各處旱路均被漫水接連河旱道路不能分晰各鄉低窪村莊皆被淹浸總由數日以來上游各河之水接連而下兼之海潮頂阻並非淤墊不能宣洩之故至天津地勢最窪爲衆水匯歸之區當此河流盛漲惟有保護津城安慰黎庶最爲緊要查西

續天津縣志

卷十六

藝文一疏

八

門外芥園大隄現有同知吳之勳在彼晝夜駐工防守築土加高培厚幸保穩固至西南兩門被水居民奔避入城者現經地方官多擇寬敞廟宇並於城上搭蓋窩鋪安置棲止臣與地方各官業經設廠煮粥俾災黎口食有資均屬妥帖其各鄉村莊被水圍繞未經奔避者亦經地方官派委員役船載錢米分路按戶散給臣一面恭請

天后宮

海神廟虔誠默禱仰祈

皇上洪福



神庥靈佑河流宣洩奠安黎庶上慰

宸廑又據商人任振宗查世興等稟稱二十一日風在雨驟鹽陀後隄李公樓一帶水勢頓長數尺隄埝登時漫溢搶護不及斜衝入坵衝去鹽包六十六馮所有被衝鹽包數目一時不能查清現在飭司確切詳查造報到日再行核辦

嘉慶六年六月二十八日

酌改長蘆鹽務章程詳立條規疏

欽差 載銓季芝昌

奏 臣 載銓等詳查長蘆鹽務疲敝之原因所交款目

續天津縣志

卷十六

藝文一  
疏

九

繁多頭緒牽混更兼疊次加價浮費過重竟至商力不敷又遇銀價頻昂是以雖屢經整頓調劑終不能有起色復經鹽政崇綸代各商呈出行鹽各州縣官役相沿規費底冊其一州縣上下費用計數百兩至一千餘兩不等此卽病商之一端也况厯任各官妄希以加價見長設詞補救以致有加價之虛名無增課之實效徒助無底之挪墊轉致正課之不足此又致虧之一端也 臣 等傳集各商面加詰詢酌議增斤減價之法增斤不加課專爲恤商則商可受實惠減價爲便民而又敵私則私

可化官銷至所懸各口岸四十四州縣其河南現懸之二十州縣盡改行票鹽令該鹽政倣照淮北先課後引之例酌定章程辦理其直隸所懸之二十四州縣應令各州縣或招商或招販或商運民銷或有人在津認商統予限半年一律認辦有著如商販俱無卽責令各該州縣自行官辦儻實有不能辦理之處仍由鹽政遴員官運以濟其不足總期正課不在絲毫虧短至課項改作二季交納春運過關先交四成之一成五分其二成五分卽令領鹽到岸出賣後派員當時扣回秋季作爲六

成過關先交一成五分其餘同春季辦理至交課之章程向例紛繁故多朦混酌改明晰條目不外正課帑利補欠雜款爲四要正課每引爲數無多而加價雜款之名目層見迭出每引竟收銀一兩二三錢加以鹽穰繩蓆水陸運腳亦須二兩四五六錢不等交官商用需銀五兩有奇計每鹽一引重四百餘斤得價京錢不過十七八千以錢易銀又須虧折每引約虧京錢四五千一引如此推之數十萬道之引則虧銀卽至數十萬兩之多商累由此而重臣思裕課必自恤商恤商必自減費正

課帑利以及補欠萬不能減惟有酌刪雜款痛革  
陋規並將帑利解費攤入通綱額引與正課一律  
徵收其協濟補欠充公等項加價名目均應裁徹  
通盤覈算現將可減之雜款詳加覈減從前各商  
領引一道需交雜款銀一兩二三錢仍須另納帑  
利解費銀兩今以帑利解費統入隨引完交而應  
交各款有減無增又查明行鹽各州縣一切規費  
全行裁汰並令各商呈出實在應需運本不在其  
浮捏開報計暢岸尙足敷行而滯岸仍有賠折再  
以加斤計利則遠近引鹽均有盈餘庶幾見利則  
趨商票可期踴躍所有現改章程謹擬各條另繕  
清單恭呈

御覽

奉

旨載銓等奏遵旨會查長蘆鹽務酌改章程開單呈覽一  
摺均著照所擬辦理欽此

道光二十八年十二月十一日

水利營田疏

兵部侍郎通商大臣 崇厚

奏爲修復營田並新墾稻地以溥水利而廣

皇仁恭摺具奏仰祈

聖鑒事竊維水利爲農桑之本田疇爲衣食之源直隸拱衛

神京瀕河濱海溯自宋元明以來何承矩虞集徐貞明汪應蛟左光斗諸人講求水利會於京東京南及天津河間府等處先後試墾水田我

朝雍正年間直隸大水怡賢親王周歷

畿輔大興水利開墾稻田六千餘頃闔今百數十年雖暫有荒廢而沿河州縣尙多種植秔稻永享其利士民慨想遺蹤至今稱道咸豐九年間

欽差大臣親王僧格林沁督兵大沽海口以海河兩岸續天津縣志

卷十六

藝文一

三

舊有水田日久廢棄倡勸捐資在於鹹水沽營田三千五百四十畝葛沽營田七百五十畝挑溝建閘引用海河潮水以資灌溉就地招集農民發給資本認種其時臣隨辦海防親見相度規畫遂使斥鹵之區成爲沃壤今已四載歲穫有秋於是附近鄉民咸知水田之利卽有泥沽等村自行開墾稻田多頃聞風興起確有成效上年夏間僧格林沁將前開稻田奏奉

諭旨交直隸督臣派員經理督臣飭委天津海防同知

姚經陞就近經理在案臣伏查水田藝稻其利甚

溥自北直鮮田疇之利致運粟於南方果能不憚  
煩勞不計近功因地之宜順水之勢相機營治則  
開得一畝卽得一畝之益洵於

國計民生實有關係臣往來海口嘗見沿河荒地一

望無際高者爲茂草窪者爲沮洳荒而不治深爲  
可惜查大沽協都司鄧起元前於僧格林沁創開  
稻田之時卽係該員隨同勘辦情形熟悉臣復派

該都司前往將前開地畝現在情形詳細履勘茲  
據鄧啟元姚經陞面稟前開地三千五百四十畝  
近年有佃認種者二千七百九十畝此外地畝因

續天津縣志

卷十六

藝文一  
疏

三

地勢高下不一距水遠近不同收成未能一律佃  
戶賠累難支因而佃逃地荒該委員等詳細查勘  
其中尙堪招佃承種者二百四十畝下餘地五百  
一十畝非滲漏不能儲水卽鹽碱不能滋長實由  
地勢使然尙非耕耨不力必得添開進水溝一道  
則前項荒地尙有三百畝可以招佃承種並於溝  
旁荒地可開闢七百五十畝一律引水種植共計  
修復並新開地一千餘畝俾已成之工不致仍復  
廢棄而水利更可推廣至各該散佃除咸豐九年  
間所募者經僧格林沁給與資本外其新招之田

並現議開墾之地佃戶均應發給資本春借秋還  
歲以爲常俾得及時播種並擬購房十數間以資  
安礮囤米之用統計建築橋閘挑開溝渠並佃戶  
資本置房價值共約需京錢一萬三千七百餘千  
內有借給舊佃資本五千餘千秋後仍可徵還永  
遠作爲籽種資本之用查天津道庫歷年收存租  
米變價據該道李同文聲稱除因公動用外尙存  
銀一千五百餘兩又上年新收租米約可變價銀  
二千兩以之儘數動用現計不敷銀一千四百餘  
兩擬在於洋藥釐捐項下暫時借墊俟收有租米

糶價卽行還款至僧格林沁原定開墾章程每地  
一畝初年交租米三升三合次年五升三年一斗  
八升俱按海口市斛交收此後永以爲例並無增  
減又每地一畝五分交稻草一束計重五十斤現  
在各地啟征租數應卽照依辦理惟據各佃聲稱  
地土有肥磽卽收成有豐歉每年秋禾登場除交  
租米所餘無多不敷一歲人功之用賠累難支懇  
請量爲減租臣詳加體察除葛沽稻田係交營兵  
承種原定每畝交租一斗二升本不爲多且地畝  
肥饒收成豐稔毋庸置議外其餘水沽地佃多係

力作貧民若不稍事變通竊恐佃戶逃避轉使已熟之田荒而不治應照原定租數改爲每畝收倉斛一斗八升則較之海口市斛已有減少至總佃副佃所種之地應交租米酌免十分之三以示體恤而免藉口臣爲力保已成水田並增廣水利起見如蒙

俞允臣卽飭天津道督飭該委員等責成總佃招募誠實農民認種一面將應修各工趕緊照估妥辦嗣後稻田所獲租米除變價發給資種並歸還借墊暨歲修溝洫外所餘稻米卽仿照義倉社倉之法由天津道妥爲經理存儲以廣皇仁而垂永久是否有當伏乞

皇太后

皇上聖鑒訓示遵行謹

奏

同治三年二月初九日

試墾水田疏

兵部侍郎通商大臣

崇厚

奏爲遵

旨會議試墾水田並籌借款項開挖河渠引水各章程  
恭摺具奏仰祈

聖鑒事竊

臣

萬青藜

臣

卞寶第前曾具奏官荒地畝擬

請試墾水田請

旨飭議籌辦以興地利一摺於同治四年十月二十五日具奏本日內閣奉

上諭萬青藜卞寶第奏官荒地畝擬試墾水田請飭議籌辦一摺據稱甯河縣與天津縣交界地方有荒地六七十里曠無居人地方廢棄良爲可惜查甯河等縣所屬塌河淀軍糧城等處瀕臨海河若引水灌溉可開稻田一千餘頃歲收稻米十數萬石於北地倉儲近畿民食均有裨益請飭侍郎崇厚

續天津縣志

卷十六

藝文一疏

六

派員履勘會議章程請旨辦理等語咸豐年間科爾沁親王僧格林沁在大沽海口一帶興辦水田倡捐辦理得稻田四千二百餘畝嗣經崇厚督員經理使斥鹵之區成爲沃壤民利賴之今甯河天津交界地方查有荒地數十里經卞寶第函致崇厚詢訪情形并據該侍郎覆稱軍糧城一帶臨傍海河但須開渠二道官爲籌款招佃墾種可得稻田千餘頃該侍郎連年在鹹水沽勸墾水田收穫頗豐自必確有把握卽著崇厚派委委員會同地方官前赴軍糧城一帶履勘情形酌議章程會同



順天府府尹直隸總督奏明請旨辦理以興地利而裕民食欽此臣等遵卽會同函商臣崇厚揀委

熟悉情形之候補副將文瑞飭令會同天津府知

府恩福天津縣知縣楊國杞並扎調甯河縣知縣

李賡雲來津前往履勘旋據

臣

萬青藜

臣

卞寶第

派委候補知縣馮瑋到津亦卽會同文瑞等親赴軍糧城一帶履勘情形妥議章程去後茲據文瑞等查勘得軍糧城西北大小馬廠等處荒地坐落海河東北岸東西約寬四十餘里南北約寬六十餘里土脈雖甚肥饒間有鹽碱若就近海河北岸

開渠引水俟潮水長落瀦蓄節宣則灌溉有資滌蕩有法可期一律化爲沃壤於開墾稻田甚宜詢之農民亦均稱便但此項渠工必須官爲籌款辦理若自天津縣屬之邢家沽海河北岸開渠起爲上口向北十餘里迤東而南至甯河縣之軍糧城南通海河爲下口計工長四十餘里兩岸計開墾稻地一千餘頃惟渠工計程窻遠工段縣長約估計需銀一萬五六千兩用款甚鉅經費難籌且民間認墾稻地除長渠官爲辦理外尙須自備資本開挖溝洫搭蓋房屋置造輪盤水車及一切籽種

農具並須僱覓農工畜養騾馬籽種費用大約初  
年開墾稻地一頃須用銀三四百兩若以一千頃  
計之共須銀三四十萬兩附近農民實亦無此力  
量且該處耆民等又以開渠過長惟恐距河較遠  
之處水利不能徧及靠北一帶不敢認墾等語總  
之事屬創始民間以資本重大未免畏難是以認  
墾之戶率多疑慮再四酌商與其務廣致荒不若  
先求實效現在復勘得環渠一道西自邢家沽海  
河北岸起爲上口向北而東由東而南至卧河村  
南通海河爲下口工長二十七里餘中開洩水渠

一道自北而南亦通海河工長十一里餘約計渠  
旁兩岸可開墾稻地五百餘頃計須渠工約銀八  
千數百兩如此辦理於帑項既可樽節而地畝亦  
易於招墾諮詢紳民均稱妥協並查此項地畝本  
係官荒民荒素無糧額現在借動款項開渠應令  
地戶按年交納水利歸還開渠等項經費歸補足  
數後俟水利收有充裕再爲續行開廣地畝之用  
惟當此甫經試墾若令認墾地戶按畝全數交納  
水利銀兩力量實有未逮擬於第一年每認墾地  
十頃先交銀八兩以後逐年遞加銀二兩五錢至

第十年再加銀二兩歸成三十兩作為永遠定額  
如此辦理則於體恤民隱之中仍有限制等語並  
酌擬條款繪具圖說稟請核

奏前來 臣 崇厚詳加覆核所稟俱係實在情形徧詢

紳耆均稱有利於民擬於洋藥釐捐項下借撥銀  
兩卽責成原勘之署天津鎮總兵候補副將文瑞

順天候補知縣馮瑋等督同紳耆於春融後興辦

復與 臣 萬青藜 臣 卞寶第 臣 劉長佑往返函商意

見相同除由 臣 崇厚出示曉諭招戶認墾並委員

將應行事宜次第籌辦外 臣 等謹合詞恭摺具

續天津縣志 藝文一 卷十六 疏 十九

奏並抄錄條款繪圖貼說恭呈

御覽伏乞

皇太后

皇上聖鑒訓示遵行再此摺係 臣 崇厚主稿合併陳明

謹

奏

同治四年十一月二十五日

兵部侍郎通商大臣督辦海防軍務 崇厚

奏為陝匪竄入直境飭派洋槍礮隊并天津練軍馳

赴督 臣 行營聽候調遣恭摺仰祈

聖鑒事竊

奴才

於正月初七日接准督

臣

官文來咨以

陝匪由豫省竄入磁州經春壽余承恩迎剿獲勝  
賊竄臨漳又據大順廣道范梁稟稱賊匪邊馬竄  
及開州之井店督臣現擬出省剿辦咨調洋槍礮  
隊八百名並天津練軍一千二百名馳赴正定行  
營聽候調遣等因前來奴才當卽挑派槍礮隊官  
兵八百名並添派得力哨探馬弁勇數十名整齊  
隊伍配足軍火鉛丸攜帶開花礮洋礮車飭派叅  
將鄧起元統帶一面飛札附近天津之青縣靜海  
滄州大城文安武清香河等州縣雇備大車一百  
輛限十二日取齊以便該隊官兵剋日起程前進  
所有官兵口糧車價查照上年冬間奏派洋槍隊  
馳剿梟匪成案在於海防支應局飭發餉乾車價  
彙案報銷其練軍一千二百名飛飭總兵陳濟清  
統領馳赴督臣行營聽候調遣奴才伏查直隸地  
方平原曠野全無險要賊匪一經闖入若不厚集  
兵力早就殲除勢必震動

神京釀成巨患直省除余承恩春壽等軍及練軍之  
外無兵可調現時春壽余承恩之軍在磁州一帶  
富和及大名鎮姜國仲之軍防堵大名一帶賊匪

已渡漳河東則臨清威縣深冀之交西則廣平順德等處路路可通滹沱河水淺冰結地段懸長扼守難有把握賊現北趨春壽富和余承恩南路各軍勢已落後北路空虛巨股捻逆非馬賊可比形勢危急奴才查任賴各逆悉數殲除東省江境一律肅清淮皖諸軍新勝之餘勇氣自倍

欽差大臣李鴻章駐軍濟甯距直甚近當此陝匪竄入逆勢披猖直省兵單將寡事機急迫之時奴才愚昧之見相應請

旨飭令李鴻章統師北上迅飭淮皖各軍自東阿齊河

續天津縣志

卷十六

藝文一

三

分道渡黃星速北援由景德一帶繞出賊前遏其北犯保衛

京師與直軍合力將此股陝匪痛剿淨盡毋任蔓延以期剋日蕩平是否有當伏候

聖裁至天津地方緊要奴才現將存津洋槍礮隊操練

巡防督同運司天津道府添募勇丁并激勵民團認真巡查防守以冀有備無虞所有飭調洋槍礮隊天津練軍協剿各緣由理合繕摺由驛馳

奏伏乞

皇太后

皇上聖鑒訓示謹

奏

同治七年正月初八日

兵部侍郎通商大臣督辦海防軍務 崇厚

奏爲賊由肅甯南竄援軍雲集擬請各軍四面合圍  
剋期埽蕩並籌撥洋米接濟兵食恭摺具陳仰祈  
聖鑒事竊奴才於正月二十三日接准山東撫臣丁寶

楨專函探得賊匪邊馬竄至肅甯縣之東西兩關  
大隊尙在尹村張崗莊已飛飭總兵楊飛熊王心  
安等由任邱河間馳往迎剿等語頃據探弁回津

續天津縣志

卷十六

藝文一

三

面稟

奴才

所派總兵陳濟清等統領槍隊練軍現

由高陽任邱一帶進兵逆匪知東北西北均有大  
兵向南狂奔已入武強之小範等境其景州德州  
之間現據探報程文炳潘鼎新兩軍計已先後馳  
到賊勢必逼向西南冀州南宮威縣等處各路官  
軍大集必須分布合圍方可聚而殲旃若得陝軍  
由正定扼守滹沱上游兼顧獲鹿入晉門戶晉軍  
扼守太行各山口直軍扼守滹沱下游屯兵深冀  
之間淮軍固守衡水景州挑濠扼紮東軍守衛河  
保全東境豫軍守漳河屏藩河北三府並大名等

處將賊困於順廣之間四面進隊必可剋日掃蕩  
以靖

畿疆 奴才 前奉

寄諭籌撥銀米接濟東軍其糧米一款有截卸北倉備

賑餘米可以撥用當經附片陳明在案昨准署督

臣 官文來函此項存倉粳米客軍難以碾食此次

湘軍過省會撥給倉存粳米據稱質味黑朽不慣

食用卽經退回如再撥運前項粳米恐亦徒費周

章擬由 奴才 在津籌備洋米萬石俾資撥濟等情

當經 奴才 飭派署天津府知府任信成同知陳元

續天津縣志

卷十六

藝文一  
疏

三

祿知縣程錦雲等前赴北倉將原存截漕粳米細

加查驗包據呈由 奴才 覆驗米質尙爲乾潔惟內

有紫老黑丁均係帶皮粳米必須碾淨方能食用

一經碾動折耗太多自不如洋米較爲適用現在

河冰未泮商船未通採買不易查上年總理衙門

奏准採買洋米由津運京有已運到驗收存津之

洋米四千六百餘石續由夾板船運到大沽海口

起卸未收之洋米八千數百石兩項約數在一萬

三千餘石擬卽先爲撥動接濟南軍轉驛河開再

行招商採買聞江浙等省米價尙賤海道販運迅

速自可源源籌辦惟此項洋米專爲籌備京倉現  
既先其所急撥用將來擬將存倉粳米內擇其乾  
潔者如數撥還除咨明督臣查照外所有賊匪擬  
請合圍埽蕩及撥動洋米籌濟軍食各緣由理合  
恭摺由驛馳

奏伏乞

皇太后

皇上聖鑒謹

奏

同治七年正月二十四日

續天津縣志

卷十六

藝文一

二十六

通商大臣督辦海防軍務

崇厚

奏爲捻勢蔓延亟圖埽蕩擬請責成

欽差大臣左宗棠李鴻章同力合作以重事權而一號

令敬陳管見恭摺仰祈

聖鑒事竊

奴才

於二月初八日承准軍機大臣字寄同

治七年二月初七日奉

上諭恭親王等奏請飭各軍勦捻以專責成等因欽此  
仰見

宸謨廣運

指授機宜跪誦之餘莫名欽佩

奴才

伏讀初五日欽奉



寄諭據前戶部侍郎李鴻藻奏請派親王爲大將軍左宗棠李鴻章爲叅贊督辦直隸軍務一摺等因該侍郎所奏自以左宗棠李鴻章等勲望相侔難分軒輊誠得重以親王遙制該大臣等專任督辦合力同心自可膚功共奏洵屬老成卓見奴才查左宗棠李鴻章久歷戎行威望謀略同爲

聖明所倚重此次逆捻竄擾直隸左宗棠飭派劉松山郭寶昌等軍星馳援勦該大臣亦卽督兵由山陝入直上年任賴各逆肆擾山東幾成糜爛李鴻章廣設方略將積年巨捻全數削平甫經奏凱卽奉

續天津縣志

卷十六

藝文一

三

特旨催軍北援現在潘鼎新善慶等軍亦經先後到直至於直隸地方平疇曠野平日營務久虛兵微將寡當此逆捻披猖全賴湘淮皖豫等軍戮力同仇制賊死命在奴才愚見竊以爲左宗棠由山西入直李鴻章由山東入直東西之局已成擬請

勅下左宗棠督軍由西北面進勦李鴻章督軍由東北面進勦現在賊勢南趨正好於東北西北聯兵兜擊捻逆乃流賊之尤非急勦不足以挫其兇鋒非圍勦不足以盡殲醜類該大臣等受

國厚恩公忠素著昔在南省旣已同奏偉功今賊擾

畿疆上勞

宸厯自必和衷敵愾上行

宵旰之憂而事權既重號令自專所部各將士亦可互

相發奮爭效圖功逆勢雖張斷不難剋期掃蕩抑

奴才更有請者就直隸形勢而論省西南以正定

順德冀州為重鎮省東南以河間景州衡水為要

區糧道易通城池堅固若左宗棠李鴻章適中駐

紮不特屏藩

畿輔調度各軍亦易得力山東撫臣丁寶楨現駐河

間所部兵力本不甚厚力顧東北兩面地大兵單

續天津縣志

卷十六

藝文一

三

奴才屢接該撫臣來函以賊果南趨深以東防為

慮李鴻章所部兵力數倍於丁寶楨如李鴻章駐

師東北全軍雲集丁寶楨即可擇要駐紮既可為

北路聲援更可為東省屏蔽至津郡地方水陸衝

途中外商賈輻輳奴才迭奉

諭旨嚴密籌防遵即督飭陳濟清將練軍槍隊分紮靜

海縣一帶扼守津郡濠牆時虞兵力不敷現又添

設礮船添募槍勇礮勇津勇四營疏濬濠溝為水

陸交防之計運司恆慶等激勵紳民守望相助晝

夜巡防刻下援軍四集籌濟米糧協撥軍火在在

均關緊要奴才惟有殫竭心力勉圖報稱以期仰慰

宸厯所有捻勢蔓延亟圖埽蕩奴才謹就管見所及理合恭摺馳陳伏乞

皇太后

皇上聖鑒謹

奏

同治七年二月初九日

兵部侍郎通商大臣督辦海防軍務 崇厚

奏為福建省籌濟兵米運津現由輪船起運擬飭天

續天津縣志

卷十六

藝文一

七

津道會同該省委員先行驗收屯棧恭摺具陳仰

祈

聖鑒事竊

奴才

接准船政大臣沈葆楨會同署閩浙總

督英桂福建巡撫李福泰抄摺咨會以捻氛竄擾

直隸左宗棠李鴻章等援軍大集兵數愈多軍糧

愈鉅直隸上年旱潦相仍無事時已有米珠之患

加以師旅挹注何從似濟餉急於濟兵籌銀不如

籌米固宜多多益善尤貴以速補遲船政開工伊

始尙有暫存未發之款擬移緩就急購米十萬石

由輪船運赴天津聽候提撥飭委前署福建藩司

周開錫赴上海鎮江等處採辦福建候補道夏獻  
綸由海道赴津會同天津道驗收並委刑部主事  
鄭奇峯採辦臺米及省城各鄉之米一二萬石由  
輪船先行趕運到津以期迅速到津後或收入京  
倉或運往各營應由地方官辦理等因前來茲據  
福建候補道夏獻綸來津稟到奴才面詢該道據  
稱閩省採得米一萬石三分搭輪船運津數日內  
約可駛抵大沽海口此外米石現由周開錫赴上  
海採辦因輪船運價過昂將來或由夾板船或由  
沙衛各船陸續運津等語奴才當卽飭知天津道

周家勳會同籌辦撥船迎護至紫竹林地方後再  
會同夏獻綸驗收寄棧存儲聽候撥用查天津轉  
運局撥解各路軍營糧米前均運赴保定河間轉  
運現因大兵南下前運河間之米疊准左宗棠李  
鴻章來咨提回改運德州粳米七千石洋米三千  
石改運大名粳米四千七百石撥運保定之粳米  
粟米高梁黑豆均已起運而李鴻章左宗棠兩營  
尙有應解粳米二萬數千石倉存之米尙可敷撥  
現又得閩省籌濟米十萬石之多軍食自無缺乏  
惟查該省所辦米石先來一萬石暫爲寄棧候撥

外嗣後運津之米爲數甚多若軍務完竣大兵凱撤後所餘米石自應查覈確數

奏明辦理再據上海道應寶時兩次解到李鴻章軍營餉銀二十萬兩候補道胡光墉籌解左宗棠軍營餉銀十二萬兩已飭令轉運局司道派委委員協同迎提委員并派參將葛開泰管帶礮船先後起解二十七萬赴營交納合併聲明所有福建省籌米運津並由津轉運兵餉各緣由理合恭摺由驛馳

奏伏乞

續天津縣志

卷十六

藝文一疏

三

皇太后

皇上聖鑒謹

奏

再據天津紳士前雲南鹽法道吳惠元前刑部員外郎陳士珍在籍吏部主事李世珍候選知縣張雲輝郭麟書等呈稱本年二月間捻匪竄陷獻縣該縣訓導陳成烈在任殉難業蒙直隸督

臣

官文

奏奉

恩旨優卹在案查該員被戕時其長孫媳聶氏次孫媳牛氏孫女五姑均各投河投井死節甚慘又前祁

州學正于壯圖在任丁母憂尙未回籍本年正月  
間捻匪竄陷州城該員罵賊不屈身受三十餘傷  
殞命其繼妻王氏弟婦解氏朱氏攜其姪慶光媳  
李氏姪婦鹿氏姪女大姑女三姑孫女成姑同時  
投井身死職等與該故員里居密邇詳悉情形合  
詞呈懇據情一併入奏并請於天津縣原籍准紳  
民等捐建專祠等情奴才查陳成烈于壯圖以司  
鐸文員於賊匪竄陷之時均能捨生就義大節無  
虧其各妻女子婦等亦均深明大義完節捐軀死  
事情形尤堪嘉憫除陳成烈一員已經議卹外相

續天津縣志

卷十六

藝文一

三

應據情奏懇

天恩將前祁州學正于壯圖一員

飭部從優議卹准於原籍地方由該紳民捐建專祠其  
陳成烈之孫媳聶氏牛氏孫女五姑于壯圖之妻  
王氏弟婦解氏朱氏姪于慶光媳李氏姪婦鹿氏  
姪女大姑女三姑孫女成姑等一併附祠以彰忠  
節而廣

皇仁謹附片具陳伏乞

聖鑒謹

奏

再正在繕摺間接准山東撫臣丁寶楨來咨捻逆搶渡運河已擾在平一帶等語奴才查敗捻已竄

河東當卽飛飭道員余承恩督飭所部在泊頭一帶探踪截剿劉景芳在滄南實力嚴防陳濟清多發偵探聯絡聲勢請

旨迅飭前敵諸軍繞赴德州吳橋甯津等處攔頭截擊力遏北竄之路理合附片陳明伏乞

聖鑒謹

奏

同治七年四月初一日

續天津縣志

卷十六

藝文一疏

三

兵部侍郎通商大臣督辦海防軍務

崇厚

奏爲捻逆竄至滄南津防喫緊飛調陳濟清所部與槍隊會合防剿慎守津門恭摺仰祈

聖鑒事竊

奴才

前以據報捻逆竄及吳橋東光一帶津

南喫緊等情馳奏在案頃據出探都司劉長春稟

稱捻逆大股現在南皮邊馬已至滄州境內等語

該處雖有劉景芳統領練軍馬勇在彼防剿兵力

甚單津郡逼近滄南濠牆長三十餘里河道紛歧

江浙沙甯米船數百餘隻與外國貨船泊滿東西

兩岸河剝船一千數百隻轉運漕糧均在北運河

一帶船隻擁擠各河人烟稠密非厚集兵力不足以資防守查前派總兵陳濟清副將鄧啟元統練軍槍隊分紮靜海一帶現在津防吃緊該軍應作為游擊之師與津城防兵聯絡策應以成犄角之勢並知會英國領事官孟甘法國領事官德微理亞將英國礮船在海河口協守東南面濠牆法國礮船駛至南運河協守西北面濠牆本地紳士各帶民團舖勇同心協守共保無虞惟是賊騎狡悍急盼南軍趕到以收夾擊之功並准督臣官文來函已撥隊嚴防運河西岸相應請

續天津縣志

卷十六

藝文一  
疏

三

旨迅飭左宗棠李鴻章等嚴飭各將領星速由運河東岸赴援津門力遏北竄所有津防喫緊合隊防守各緣由謹繕摺由六百里馳

奏伏乞

皇太后

皇上聖鑒謹

奏

同治七年四月初四日

兵部侍郎通商大臣督辦海防軍務 崇 厚

奏為捻逆竄撲靜海縣經陳濟清擊退後鄧啟元偏



師截剿獲勝津郡情形萬急請

旨迅飭各軍速援以固近畿各要地恭摺由六百里加

緊馳奏仰祈

聖鑒事竊奴才於本月初四日馳奏捻逆竄近滄南一

帶飛調陳濟清鄧啟元合兵防剿以固津門初五日早據余承恩稟報捻匪北竄該道於初二日派隊截剿小有斬擒已落賊後並據劉景芳稟報固守滄州遊兵擒獲賊邊馬賊知有備繞越北犯初四日晚間賊騎撲犯靜海縣城陳濟清開礮擊退賊又繞赴東北本日早間津郡濠牆外十二里之

續天津縣志

卷十六

藝文一疏

三

稍直口已見邊馬鄧起元由良王莊進隊至磚垛小灘等村遇賊五百餘騎鄧啟元督飭趙起等列隊迎剿該逆分作數股我兵施放連環槍礮將賊騎壓退陳濟清在靜海開礮接應賊乘虛突撲良王莊鄧啟元復督隊追及賊突出二千餘騎兇猛迎拒我兵分隊用炸炮洋槍竭力轟擊陣斃悍賊多名趕至稍直口駐紮現在陳濟清余承恩均各帶隊追賊前隊已到津境並探聞郭松林等軍在後尾追賊騎飄忽異常近畿要地處處堪虞仰懇天恩迅飭各路援軍實力會剿以保近畿重地而收夾

擊之效理合由六百里加緊馳報伏乞

皇太后

皇上聖鑒謹

奏

同治七年四月初五日

兵部侍郎通商大臣督辦海防軍務

崇厚

奏爲賊勢飄忽現與淮軍各統領會籌滅賊擬就運河挑築長圍聚兵扼守並嚴防海河四面兜圍爲聚殲之計請

旨迅飭李鴻章督師來津速籌布置恭摺具

續天津縣志

卷十六

藝文一  
疏

三

奏仰祈

聖鑒事竊

奴才

昨將淮東各軍均已抵津分隊相機壓

剿等情馳報在案初七日善慶馬隊在楊柳青見

賊人正欲鳧水過河向前迎擊賊卽敗回大股賊

匪尙在附近濠牆以外村莊盤踞經郭松林楊鼎

勳潘鼎新出隊壓剿賊向正南敗退海大道一路

經

奴才

飭派陳濟清余承恩帶隊搜剿至葛沽地

方並無大股賊匪拿獲邊馬一名訊明正法連日

奴才

與郭松林楊鼎勳潘鼎新善慶溫德勒克西

等講求戰事妥籌滅賊之方據各統領僉稱賊以

敗殘之餘恃其騎隊東擊西遁剽疾異常官軍啣尾疾追飢疲勞苦及至趕到已落賊後此次賊撲津門意圖渡運北犯必須將各路大隊調集運河挑築長圍仿照上年東省防守運西辦法使賊不得竄越運河再用大枝勁旅更番迭剿海河係甯河寶坻等縣京東要路尤關緊要擬用外國輪船往來梭巡添設水師礮船分段扼守並請將河西務一帶京兵駐守海河北岸前有輪船後有兵守海河水深三四丈寬五六十丈水陸兼防津郡濠牆防禦尤形喫重擬於濠牆以外添挖二道濠溝

續天津縣志

卷十六

藝文一疏

三十五

派兵紮營防守其正南西南爲滄州青縣靜海現來各軍分紮運防穩固再將鹽山慶雲及武定所屬之海豐陽信等縣派撥重兵扼紮使其東阻於海西過於兵爲聚殲之計

奴才

審度軍情地勢賊

騎多步少一經官軍急剿勢必折向南奔靜海青

滄交南一帶沿運地段縣長處處可以竄越一過河西順天各屬河間保正等府深冀等州四通八

達又成蔓延之勢如能就海隅殄滅洵屬機會可

乘

奴才

復與陳濟清余承恩等孰商亦均以爲機

不可失惟是津郡逼近

京師必須籌畫萬全斷不敢輕於嘗試且賊情狡猾  
恐甫經佈置而賊已免脫狂奔非得威望重臣親  
臨調度合羣策羣力不足以收功效相應請

旨迅飭李鴻章督師星夜來津催調各路大隊到齊速  
爲布置並請

勅下官文恩承將神機營馬步各隊並本省各練軍齊  
赴運河天津北路之京兵齊赴海河並用外國兵  
船在海河上下往來梭巡趕設水師礮船分段防  
剿李鶴年英翰飛飭皖豫各軍迅赴滄南將自運  
河及海邊之路嚴密設防使其四面不能竄突似  
此層層紮定再爲痛剿自可就地殄除爲一勞永  
逸之計是否有當理合由六百里馳陳伏乞

皇太后

皇上聖鑒訓示謹

奏

同治七年四月初八日

兵部侍郎通商大臣督辦海防軍務 崇 厚

奏爲津防緊要現擬增卑浚濠添隊募勇購備外國  
輪船各事宜需項浩繁懇

恩准於鹽關項下撥款趕緊興辦合詞恭摺具

奏仰祈

聖鑒事竊

臣

崇厚昨將賊竄靜海東南淮軍壓追東軍

截剿獲勝等情馳報在案現據探稟賊由靜海縣

屬同居南竄滄州莫組紳王正起等軍追剿郭松

林潘鼎新等軍亦向靜海青縣一帶壓追又據探

報已竄鹽山逼近山東連日

臣

羅惇衍

臣

鍾岱

臣

崇厚會商以天津爲

京師門戶水陸交衝中外商賈輻輳財賦之區久爲

逆賊垂涎防務本關緊要此次逆匪注意津門幸

賴

續天津縣志

卷十六

藝文一

三

聖主福庇將士用命力挫兇鋒轉危爲安淮東各軍星

速赴援大兵雲集賊旋向南竄遁惟是賊蹤飄忽

來去靡常軍務一日未平津防一日難緩亟宜趕

籌防禦嚴益加嚴以臻穩固查津郡濠牆周圍三

十餘里於咸豐十年春間親王僧格林沁創建以

來年久失修半多圯塌

臣

崇厚於正月間聞賊竄

直之警當卽督同文武各員周圍查看將圍牆修

補加高濠溝挖通灌水並奏明平糶存倉截漕粟

米以工代賑於二月間集夫開工督催速辦甫將

西南北三面工程完竣賊已狂奔犯境初五初六

等日賊匪大股麇聚南窪各村莊邊馬紛竄西南  
東南一帶情形危急臣羅惇衍臣鍾岱邀同紳士

張錦文催集水會舖勇萬餘臣崇厚飭派恆慶周

家勳約集紳士吳惠元張秉鈞李士珍等各帶民

勇數千名登牆助守旂幟燈火晝夜相望聲勢浩

大賊知有備不敢逼近實賴固守濠牆之力臣等

現擬將四面濠牆再行加高培厚層夯層礮修建

營門安設礮洞護牆尤須浚濠擬再挑挖二道濠

溝加挖枝溝縱橫阻隔使賊不得窺近至津郡所

有兵隊計原練續練洋槍礮隊共二千名練軍二

續天津縣志

卷十六

藝文一  
疏

三

千五百名蘆勇五百名前因捻逆竄擾直境臣崇

厚飭添槍礮隊數百名蘆勇五百名礮船數十隻

地大兵單仍屬不敷防守在警急之時原可齊集

民勇鋪勇以壯聲勢而每日官給口糧日需銀數

千兩當此款項支絀豈能日久支持臣崇厚卽令

暫行裁撤以節經費而直省除各練軍之外無兵

可調現擬添練洋槍礮勇隊二營與原練之兵隊

一律謹加操演派總兵王佐臣副將鄧起元督操

槍隊之外必須夾以刀矛雜技擬添募練勇二營

飭派總兵陳濟清統領該總兵於帶勇最爲熟悉

可收實效所有添設洋槍礮勇隊口分必須議定章程現經臣崇厚酌擬以歸畫一總統翼長統帶幫帶正副號令帶隊分帶各官並礮隊管帶幫帶頭二三等管礮各官坐支行加薪水銀數原練兵隊新練勇隊行坐口分另繕清單其練勇口分向照行營章程較兵爲優臣崇厚現擬分作支行加發給俾有區別其管帶營哨各官並親兵什長馬探各項薪水口分另繕清單一併恭呈

御覽至天津河道紛歧尤難扼守臣崇厚前與法國領

事德微理亞借兵船一隻駛赴南運河正值逆匪

續天津縣志

卷十六

藝文一

三

邊馬竄及稍直口該國兵船駛上深爲得力昨日又令駛赴海河梁家園一帶梭巡現與該領事議定價購小號輪船一隻可於河內巡防並令稅務司休士代購中號輪船架礮巡查海河以保海運米船所購船隻未到以先暫借法國兵船上下游巡各河路口方能周密以上各節層層布置水陸兼防津郡旣臻穩固益可拱衛

神京

臣

等再四熟商實係當務之急第用項浩繁必須亟爲籌備一面督飭文武各員趕緊舉辦一面籌畫款項津郡餉需告匱前請協餉僅據閩省解

到銀十萬兩已借撥淮軍五萬餘兩支發勇糧及  
余承恩等軍借餉並民勇口分實已羅掘一空事  
機緊迫待餉需時惟有仰懇

天恩俯准在於鹽關兩庫於應解本年京餉項下先行  
借撥銀三四十萬兩以便剋期舉辦臣崇厚於二  
月間以直省軍務未靖請撥閩廣川鄂各協解銀  
二十萬兩江西浙江各協解銀十萬兩欽奉

諭旨昨已有旨令湖南等省各撥銀十萬兩由海道運  
津交該大臣轉解直隸接濟軍需著仍遵昨日諭旨  
辦理若以後仍有短絀再行斟酌籌辦欽此目前津

續天津縣志

卷十六

藝文一

早

郡防務喫緊餉需待用孔殷自應欽遵

諭旨籌辦查官文所請協撥餉銀六十萬兩係湖北湖

南江西江蘇廣東福建等省各十萬兩臣崇厚前

請係湖北廣東福建四川江西浙江等省官文所  
請之餉各該省解到時應仍解交直省應用臣崇

厚現請借撥鹽關兩庫銀兩擬仍請撥四川二十  
萬廣東二十萬浙江十萬兩應請

勅下該督撫臣趕緊籌備徑解部庫以抵運庫鹽課津

關常洋兩稅應解部餉之數一轉移間於部款得  
歸有著而津防可以趕辦是否有當伏候



聖裁所有<sup>臣</sup>等會籌嚴設津防及請餉各緣由理合繕摺由六百里馳

奏伏乞

皇太后

皇上聖鑒訓示謹

奏

謹將酌擬洋槍礮隊各官兵勇坐支行加薪水口分銀數繕具清單恭呈

御覽

總統每月坐支銀八十兩 行加銀四十兩

續天津縣志

卷十六

藝文一疏

聖

翼長每月坐支銀六十兩 行加銀三十兩

統帶營官每月坐支銀四十兩 行加銀二十兩

總號令官每月坐支銀三十二兩 行加銀十八兩

兩

幫帶營官每月坐支銀三十兩 行加銀十五兩

副號令官每月坐支銀二十兩 行加銀十兩

帶隊官每月坐支銀十兩 行加銀五兩

分帶官每月坐支銀八兩 行加銀四兩

礮隊管帶營官每月坐支銀三十二兩 行加銀

十六兩

礮隊幫帶營官每月坐支銀二十兩 行加銀十兩

頭等礮官每月坐支銀十兩 行加銀五兩

二等礮官每月坐支銀八兩 行加銀四兩

三等礮官每月坐支銀六兩 行加銀三兩

槍隊每隊月支公費銀八兩

礮隊每尊月支公費銀二兩

槍礮隊兵勇每月坐支銀三兩 行加銀一兩

礮隊洋馬乾每月每匹銀四兩九錢

礮隊大馬乾每月每匹銀四兩二錢

續天津縣志

卷十六

藝文一

三

謹將酌擬管帶練勇各官弁勇丁口分銀數繕具清單恭呈

御覽

管帶官每月坐支公費薪水并糧餉文案委員共

銀一百五十兩 行加五十兩

哨官每月坐支銀十兩 行加五兩

親兵什長每月坐支銀三兩二錢 行加一兩二

錢

親兵每月坐支銀三兩 行加一兩

親兵礮隊每月坐支銀三兩 行加一兩

探馬每月坐支銀七兩 行加一兩

號令每月坐支銀三兩六錢 行加一兩

護兵每月坐支銀三兩 行加一兩

什長每月坐支銀三兩 行加一兩

正勇每月坐支銀二兩八錢 行加一兩

伙勇每月坐支銀二兩四錢 行加六錢

礮車騾馬乾銀每月每匹三兩八錢

同治七年四月十一日

兵部侍郎通商大臣督辦海防軍務 崇厚

奏為捻匪南竄擾及武定府各屬敬詳陳截守運河

續天津縣志

卷十六

藝文一 疏

三

之方請

旨飭下各路統兵大臣迅速籌辦早殄賊氛恭摺馳陳

仰祈

聖鑒事竊

奴才

前將捻氛飄忽會商淮軍各統領守運

滅賊等情馳奏在案連日迭接前敵稟報賊已竄

越鹽山海豐等縣擾及武定各屬劉松山張曜宋

慶喜昌王正起莫組紳等軍跟踪壓追并據鼎軍

統領山東藩司潘鼎新來稟該司現在滄州捷地

築壩截運河之水以灌滅河日來運河甚漲水勢

頗大該司督飭滄州知州王文田齊集民夫趕築

長圍自捷地減河至祁口計長一百數十里先將  
運河截斷則北面河間天津一帶足資屏蔽再將  
運河西岸自滄州捷地直抵張秋黃運交流處所  
直省之西岸東省之北岸連築長圍分撥兵隊聯  
絡各州縣民團練勇分段巡防憑河固守自滄州  
捷地起至德州桑園止直省運西地段計長三百  
餘里自桑園至張秋鎮東省沿運地段亦不過三  
百餘里合計直東兩省沿運長圍七八百里以直  
省之練軍並京營各隊齊集滄州交河東光吳橋  
景州沿河西岸層層密紮巡防扼守賊不能竄渡

續天津縣志

卷十六

藝文一

四

運西則順天各屬河間保定順德等府滹沱河南  
北各州縣悉賴保全其自桑園以至張秋東省地  
段現在左宗棠聞在連鎮李鴻章聞在德州相距  
甚近自必會籌調度并聞李鴻章已在東昌開放  
黃水灌運連日運河大漲卽係上游黃水駛下之  
故賊不能竄過閘河則直省之大名廣平豫省之  
衛懷彰三府亦資保障李鶴年英翰所部各軍皆  
可進扼東昌臨清騰出湘淮大枝勁旅與東省各  
隊挑選精銳縱橫截剿更番迭戰將賊困於津南  
武定各屬賊雖狡悍不難一鼓盪平武定之利津

大山兩海口爲東省鹽場聚集之所船隻甚多應由丁寶楨嚴飭該府將船隻提歸南岸現已節交夏令黃水日漲防黃較易使賊東阻于海南過于河西有重兵進剿局收勢緊制流賊之方此機誠爲難得奴才昨接左宗棠函詢地理情形當卽繪圖貼說請其速爲定見淮軍各統領亦已稟請李鴻章趕籌調度奴才昨又將現籌辦法詳細各情專弁函致官文以期羣策羣力共殄妖氛相應請旨敕下左宗棠李鴻章官文丁寶楨等迅速會籌妥辦萬弗失此機會抑奴才更有請者上年剿平東捻

續天津縣志

卷十六

藝文一  
疏

五

淮軍諸將戮力同心而劉銘傳戰功第一該提督前請假三月假期已滿可否明降

諭旨將該提督戰功宣示一面

召令帶隊星速北來剿賊以鼓士氣而勸戎行又

奴才

據各國領事官聲稱賊匪竄近海隅恐有洋人勾

結暗濟軍火不可不嚴行防範

奴才

現擬雇備外

國兵船惟所購之船來津尙需時日現先借英法二國兵船在於梁家園海河上下游巡但大沽海口及祁口大山口一帶亦須嚴密巡查上海現有捕盜輪船應併請

旨勅下曾國藩丁日昌迅卽派員將輪船架礮配兵星  
駭來津以便奴才酌度派令巡查嚴防海口除繪  
圖貼說派前奉天府尹德椿赴京面呈巡防王大  
臣並詳陳一切外所有賊匪竄擾武定敬陳截守  
運河各緣由理合由六百里馳

奏伏乞

皇太后

皇上聖鑒訓示謹

奏

同治七年四月十六日

續天津縣志

卷十六

藝文一  
疏

吳

兵部侍郎通商大臣督辦海防軍務

崇厚

奏爲捻勢日漸窮蹙冀早成功豫籌善後事宜以杜

亂萌而彌隱患恭摺具陳仰祈

聖鑒事竊自捻逆作亂以來近已十餘年蔓延七八省

去冬自山西渡河東竄擾及畿疆幸各路援軍雲

集追剿迅速自四月間將賊困於運河以東冀收

肅清之效乃捻逆係百戰之餘狡猾異常恃其馬

力仍敢到處竄突兵勇追剿疲於奔命現經左宗

棠李鴻章派隊更番迭戰近日來賊疲勇銳我逸

彼勞添挑戰濠制其奔突冀可聚而殲旃掃除十

餘年巨患奴才每於軍營員弁及偵探兵丁並接見各營將士轉餉委員逐加諮訪僉以督兵大臣皆有滅此朝食之心而衆勇丁多有凱撤無歸之慮是以此剿彼竄曠日持久未能迅奏膚功之原委也奴才既知全局隱情思救多年積弊今若勵其奮往必先俯順輿情以收將士之心庶可得成功之效謹豫擬滅賊善後事宜三條敬爲我

皇上陳之一請先收將領之心策其奮志圖功也查直東調集淮楚皖豫諸軍不下十餘萬之衆其統領營官多由疆場出力洊升提鎮功成名就者並家

續天津縣志

卷十六

藝文一疏

七

有老親情願回籍侍養者且有轉戰數省身負傷疾及家可自贍願歸休息者是該將士等已久無爭戰之心何以仍在行間効力蓋以受

國家厚恩不敢自耽安逸並蒙統帥知遇不肯有負裁成尙能深明大義此次滅賊奏凱自應准其遣撤回籍不能強之從征他省應赴任者卽飭赴本任願休息者准聽其去留是武功既定宜寬養士之恩矣一請仍養驍健之勇免其無歸生變也查現在各軍一經凱撤其無伍可歸素來驍健勇丁未便令其投閑置散致生變亂當擇其熟悉地方

情形嫻習營規足資戰陣者此次滅賊奏凱由各該統兵大臣督撫擇定巖疆要隘相機安設營寨分設員弁勇丁以資鎮懾如謂餉需浩繁請嗣後升遷征調病故開革均無庸募補數年之後餉可節而亂不生矣一請選拔果敢之士用其奮志平西也查現在各軍中久歷戎行奮志功名而未能展布者頗不乏人大約多在末弁勇目之內此次滅賊奏凱但願西征立功者自當無論現時有無官階聽其自行報名立即選擇重用該弁勇其立志可嘉必能異常出力移得勝之師則陝甘可傳

續天津縣志

卷十六

藝文一

吳

檄而定矣奴才所舉三事多得自各營將士隱情實與滅賊善後事宜大有關係未敢緘默不言謹縷細上陳可否

勅下統兵大臣各諭所部將領剴切傳知諸軍俾知朝廷厚恩必不使一夫不得其所均當善爲安置先釋其疑慮之心並鼓其奮勇之氣可期迅就蕩平矣奴才爲收士心勵勇氣豫籌滅賊善後事宜起見是否有當伏乞

皇太后

皇上聖鑒訓示謹



奏

同治七年六月初五日

兵部侍郎通商大臣督辦海防軍務 崇厚

奏爲南軍全數凱撤京直馬步各隊分別還京改紮

奴才擬卽親赴津南一帶查勘撫卹妥籌善後恭

摺仰祈

聖鑒事竊 奴才前將籌議各隊分別撤留等情會同都

與阿馳奏在案茲於本月初四十六等日左宗棠

李鴻章先後道出津門進京

陛見所有駐紮連鎮之老湘卓勝等營已全數拔隊西

續天津縣志

卷十六

藝文一

兗

行駐紮減河之勳字淮軍亦經李鴻章扎飭總兵

王萬釗統帶南下其駐紮甌河之吉林黑龍江各

起馬隊官兵除由侍衛索布多爾扎布挑帶五百

名隨同都興阿前赴奉省現據管帶黑龍江官兵

營總綽勒洪阿興齡帶黑龍江四五六起馬隊四

百餘員名到津當經 奴才飭發兩月餉乾令其回

京聽候神機營調遣吉林各起官兵亦據副都統

富和統帶來津其官兵餉乾赴保定省請領尙未

領到已由 奴才籌撥一箇月餉乾接濟趕飭回京

山東之西丹馬隊據侍衛春山稟稱現准山東撫

臣丁寶楨派員前來會同該侍衛點造清冊擬挑精壯二百名派赴

南苑餘二百十五名擬裁撤回旗並因積欠餉銀已派員赴德州請領協領莫爾賡額所帶之西丹馬隊已由孰河撤到二百名查該隊疊次打仗傷亡頗多又因積欠餉乾甚形苦累

奴才當卽借撥銀

兩俾兵丁得資餬口並飭催莫爾賡額一俟山東欠餉領到趕緊來津查點分別撤留余承恩所部勇隊前由

奴才

函商督

臣

官文擬令仍回大名駐

紮南三府地方緊要與東豫兩省接壤必須留兵

續天津縣志

卷十六

藝文一

辛

鎮撫該道所部皆係南三府人應否酌裁聽候官文覈辦其在減河新募之一營勇丁發足本月餉乾妥爲裁撤現據余承恩呈報該軍定於二十三日全數南行劉景芳所部正河練軍三營並直字景字馬步各勇前經

奴才

飭赴鹽山慶雲甯津一

帶巡查該處地方毘連山東武定各屬爲鹽匪馬

賊出沒之所日下甫經肅清彈壓巡防尤關緊要

擬飭該軍卽在鹽慶等處擇要駐紮巡防以資控

制總兵王佐臣所帶洋槍礮隊經

奴才

飭派赴慶

雲南皮甯津吳橋東光各處周歷巡查地方安靜

現亦調其回津並接待侍郎恩承來函運西京營各  
隊定於本月十六至二十四日全數撤回北上現  
在津南及運東各屬京外各軍均已陸續撤回居  
民漸次復業惟東光之連鎮南皮之泊頭六月間  
運河漫口水勢漲大淹沒村莊甚多該處民人既  
受兵災復罹水患困苦已極鹽山慶雲甯吳等處  
賊擾十數次受災尤重均須加意撫卹冀蘇民困  
雖由奴才疊飭天津道周家勳天津府任信成候  
補道楊詠春總兵蔣臨照先後馳往查勘並籌撥  
粳白米一二萬石運往散放誠恐兵燹之餘加以

續天津縣志

卷十六

藝文一疏

五

水害民生凋敝亟須加意撫卹再山東東昌德州  
武定均留有重兵防守直隸更須妥籌善後不敢  
稍涉大意奴才擬卽酌帶員弁前赴津南一帶親  
歷巡行體查民情督飭該道等妥籌辦理以期仰  
副  
聖主軫念災黎綏靖地方之至意所有各軍陸續凱撤  
並奴才親赴津南一帶查勘撫卹妥籌善後各緣  
由理合恭摺由驛具陳伏乞

皇太后

皇上聖鑒謹

奏

同治七年八月二十一日

兵部侍郎通商大臣督辦海防軍務 崇厚

奏爲遵

旨查勘津南各屬被災情形妥籌賑撫堵築漫口飭隊  
巡防並裁遣水勇各緣由恭摺縷陳仰祈

聖鑒事竊奴才月前奏報親赴津南一帶查勘撫卹妥

籌善後等情奉到

批摺軍機大臣奉

旨覽奏已悉所有津南一帶撫卹事宜著督飭該道府

續天津縣志

卷十六

藝文一  
疏

五

妥籌辦理並著檄飭令劉景芳駐紮鹽慶等處認真  
彈壓毋稍疏懈欽此跪誦之下仰見

訓誨周詳敬謹欽遵奴才於八月二十三日由津啟程

前赴津南各州縣查閱其減河以北之靜海青縣

滄州各處被水被兵情形較輕秋穀登場民情安

帖減河以南被兵之處以鹽山爲最重被水以南

皮爲最重滄州東南東北各鄉水災亦重奴才先

由滄州繞道赴鹽山沿途漫水泥灘迂途繞越田

地被水甫經消退鹽山縣城本係瘠苦之區上年

馬賊竄擾本年四月以後捻逆來往十餘次鄉間

悉被蹂躪鄉團與賊接仗陣亡團丁二千六百餘名婦女殉難二百餘名已飭該縣詳細查報另行核辦籌撥賑米飭該縣會同紳董妥議散放該縣城業經修整四鄉民圍亦均建築南路軍撤盡後並無餘匪游勇地方漸次安靖復由鹽山繞赴南皮所過村落多被水淹取道至泊頭鎮勘得新漫水口計寬二十二丈運河水勢尙大若不亟籌堵築被災地方水難消退當飭天津道周家勳揀派熟習河工之前天津縣知縣徐本衡會同該縣駐工趕辦並發給賑米變價銀兩剋期合龍以期水

續天津縣志

卷十六

藝文一  
疏

五

勢早退明春可以播種

奴才

於泊頭閱看河工後

卽飭天津道周家勳候補道楊詠春分赴鹽慶滄南甯津東光吳橋等處清查戶口妥爲撫卹務於九月內趕辦以期民沾實惠並查看滄州捷地減河閘口水勢尙屬浩大現在軍務完竣前經淮軍所築截運之攔水壩已飭該州拆去以暢河流所有記名提督劉景芳直字兩營馬勇景字一營步勇飭令在鹽慶一帶與駐紮東光吳橋之總兵劉祺直字兩營步勇彼此會哨認真巡緝並面飭劉景芳於鹽慶海豐交界處所與山東留駐兵勇時

相聯絡以期綏靖地方又前准督臣官文來咨以副將龔文林所部黃河水師礮船大小五十餘隻派赴天津由奴才斟酌撤留查該水師船隻尙屬堅固惟該水勇皆係湖廣江西安徽遠省及開東長一帶之人月餉浩煩籌措不易奴才於回津後當將船隻礮位等件飭天津鎮總兵陳濟清逐一點收撥勇照管可成水師一營並分撥礮船二十隻歸大沽協巡查海河是水師之餉稍節而礮船仍不廢弛其詳細章程另行奏明辦理並飭津局發給龔文林等水勇一個半月口糧作爲川資將勇丁全數帶赴大名後就近遣撤回籍並函致督臣官文飭省局將七八兩月欠餉趕緊找發以便早日散放再奴才已於本月初三日回抵津郡所有查勘津南被兵被水情形妥籌撫卹現辦遣撤水勇各緣由理合恭摺由驛具

奏伏乞

皇太后

皇上聖鑒謹

奏

同治七年九月初七日

續天津縣志

卷十六

藝文一

五

再據天津道周家勳詳據署天津府知府任信成天津縣知縣劉傑詳稱據紳士前雲南鹽法道吳惠元等呈稱以天津地方向多火災本年春間捻逆竄入直境郡城戒嚴深虞火患迄今一年之久火患頓息又四月初間捻逆撲犯津門南北運河水勢陡長環濠灌注盈滿積水數尺逆騎阻隔水力居多舊設鹽政署後向有土神通真道人仙祠郡人供奉凡遇水旱疫癘民間祈禱無不顯應又據該紳士等呈稱以津郡爲水陸通衢地勢平行咸豐九年間科爾沁親王僧格林沁駐津辦理海防時相度地形勸捐創築濠牆一道計周圍三十六里使關廂商民得資保障本年四月間捻逆由運東直撲津郡兵圍憑牆固守擊退賊氛現今安後思危同聲追感捍災禦患僧親王遺愛實深爲此呈請轉詳代

奏懇請

賞頒

火神

河神並天津府縣

城隍神通真道人仙祠

續天津縣志

卷十六

藝文一  
疏

五

御書匾額以答神庥並科爾沁親王僧格林沁專祠  
賞給

御書匾額以光祠宇等情具詳請奏前來奴才查本年

四月間捻逆大股撲犯津郡勢極鳴張仰賴

聖主福威

神靈助順得以轉危為安奴才與闔郡官紳同深寅

感茲據該官紳等呈懇

恩施理合據情代

奏伏乞

聖鑒謹

續天津縣志

卷十六

藝文一  
疏

五

奏

同治七年十二月初九日

卓異人員赴部嚴定期限疏

御史

焦景新

奏為卓異人員赴部引

見宜嚴定期限以重

計典事竊維三載考績自古為然我

國朝澄敘官方揚清激濁在內則為

京察在外則為

大計各有定額以防濫舉典至鉅也查外省卓異州

縣以上官員例應給咨赴部引



見如奉

旨准其卓異該員即可回任候升如奉

旨記名或改補京員即可遇缺

簡用惟給咨赴部本有例定期若任意遲延不特屈抑

人才亦且有關係竄查舊例內載卓異等官應行

赴部引

見者該督撫令該員將任內事件交代清楚於文內聲明

並無未清錢糧儻奉

旨留京及升任後原任內有錢糧未清發覺者除本員卓

異查銷立即掣回另行查辦外將原保之督撫申

續天津縣志

卷十六

藝文一

七

詳之上司分別降調又例載卓異州縣以上人員  
於接准部文之後限二十日內詳請委員署理扣  
明交代之限即行給咨各按省分遠近照例限日  
期赴部如有遲延照赴任逾限例議處或任內有  
經手未完暨交辦緊要事件將情由呈明督撫咨  
部存案俟事竣日即給咨赴部引

見各等語是卓異人員赴部既有交代又有限期所以慎  
選舉而清弊端者至嚴且備乃外省督撫於此項  
人員有限內給咨赴部者有遲至一二年後始行  
赴部者亦有上次卓異至下次

大計之年竟未給咨赴部者若云本任內有經手要件何以三年之久不能完竣其中恐有錢糧虧短難以交代清楚故往往以尋常承辦之件藉詞展限希圖拖延誠不可不示以限制本年又逢計典除上次卓異人員未經赴部者請

旨飭下部

臣

查明若干員行文各督撫速令交代清楚並

聲明錢糧有無虧短給咨引

見外應請嗣後州縣以上之卓異人員仍照舊例於接准部文之後限二十日內扣明交代之限卽行給咨如本任內有承辦要件半年以內可以完竣者於

續天津縣志

卷十六

藝文一疏

奏

交代案內咨部展限如半年以上方可完竣者奏明加展總不得過一年之限如有遲延仍照赴任違限例議處儻一年期內尙有錢糧未清卽將卓異註銷仍奏明分別查辦如此嚴定期度激揚大典非同具文而於錢糧重務亦無所用其掩飾矣臣愚昧之見是否有當恭繕摺具

奏伏乞

皇上訓示施行謹

奏

嘉慶十九年十二月初二日奉

硃批吏部議奏欽此

請查武清縣添設集場疏

御史 焦景新

奏爲順天府屬添設集場請

飭查核辦以便民生以息爭訟事竊維州縣爲牧民之官凡有便於閭閻之事皆宜實心經理務期農末相資各得其所方不負父母斯民之任臣聞順天府屬之武清縣有該縣民人李姓查看得附近村莊離各集鎮窵遠且因河堤南岸舊被沖決尙未修築肩挑背負者往來甚艱於本年春間呈明該縣知縣在煤廠地方設立集場經知縣批准遵行

續天津縣志

卷十六

藝文一疏

五

數月鄉民稱便又聞有楊村集鎮牙僧穆姓因添設集場勢必分己之利從中阻撓以爲無帖不准應行尋衅構訟該縣知縣爲其所挾心生畏憚卽將集場撤退鄉民怨之臣伏思縣邑設立集鎮原取適中處所爲農工商賈萃聚之區並非爲牙行經紀牟利之藪若將其集某鎮把持壟斷而使村民長塗跋涉所謂交易得所者安在乎我

國家休養生息百餘年來戶口日增今昔情形自有不同之處查武清縣舊設十三集鎮嗣大梁等三鎮廢弛現今只存十鎮煤廠地方附近村莊一百

餘處距楊村蔡村等集鎮往返四五十里或六七十里不等男婦老幼爲尺布斗粟僕僕道途春耕秋穫之時未免有妨農業該縣知縣旣以爲煤廠地方添設集廠於百姓有益自應將實在情形繪圖貼說申詳順天府妥爲籌畫卽使該處無帖亦何難照例於廢帖內詳請更換乃行之數月之後爲牙僧挾制卽後先易轍似此便民之事地方官不爲經理殊非實心行政之道相應請

旨飭交順天府府尹派委妥員詳悉確查武清縣煤廠地方添設集場果否便民抑或先准後駁別有情弊

續天津縣志 卷十六 藝文一 卒

據實詳報府尹以憑核辦 臣 因添設集場係便於民生之一端不揣冒昧恭摺具

奏伏乞

皇上聖鑒謹

奏

嘉慶十九年十二月初二日奉

硃批順天府府尹查明具奏欽此

山西巡撫

徐 忻

奏爲恭謝

天恩事竊 臣 於九月初八日由提塘賚到

頌賞

御筆御午門受俘禮成用誌七言十二韻墨刻一卷臣當

卽恭設香案望

闕叩頭祗領訖欽惟

皇上義正羣生

智周萬類渠魁擒縛仰

聖武之布昭邊徼肅清慄

天威之赫奕淨埽邪氛於鐵蓋祗獻元惡於

金闈

丙馭遙臨儀衛煥旌旗之采

續天津縣志

卷十六

藝文一疏

卒

午門麗正凱歌壯金鼓之聲洵千古之

鴻勳璇圖鏡朗闡七言之

鉅製壁府淵涵十二韻

綺思元音願書萬本而誦萬遍卅三人雲臺烟閣咸承

一德而孚

一心臣快覩

奎文欣

頌珉刻瞻

天題之璀璨炳若日星摹

宸藻之焯煌章爲雲漢弄藏什襲莫名歡抃之私收慶父

安永協昇平之頌所有微臣感激下忱謹摺恭謝

天恩伏乞

皇上聖鑒謹

奏

道光八年九月

山西巡撫 徐 忻

奏為恭謝

天恩事竊臣於正月二十三日由提塘賫到

欽頒

續天津縣志

卷十六

藝文一

三

仁宗睿皇帝聖訓全部當即恭設香案望

闕叩頭祇領訖欽惟

皇上性敦孝慕

治秉憲章祇承精一之

心傳上紹

咨俞之口澤

聖有謨訓仰

宵旰之憂勤

天寬聰明本編熙於宥密廿五載

殷誥誥誠紀言紀事聿徵

耿光大烈之昭垂卅六門條理詳明有要有倫胥識  
聖德神功之赫奕

合德合明合序悉備一百十卷之編摩

如絲如緯如綸將傳千萬億年而悠久選良工之黎棗分

朵殿之縹緗

教思無窮罔非立綱陳紀服膺弗失是用刻骨銘心惟有

凜遵

彛訓之敷勉矢

渥恩之報以期稍答

高厚鴻慈於萬一所有臣感激下忱理合恭摺具

續天津縣志

卷十六藝文一

奎

奏叩謝

天恩伏乞

皇上聖鑒謹

奏

道光九年正月

請獎天津紳勇疏

山東道御史

吳惠元

奏爲天津紳勇保城出力請

旨速行獎勵恭摺具奏仰祈

聖鑒事竊上年九月間逆匪竄擾天津彼時大兵未集郡

城危急經官紳督率練勇同仇偕作稍直口一戰

斃賊數百人賊鋒大挫郡城得以保全旋經長蘆  
鹽政文謙等將在事之官紳民勇保奏均蒙

恩施在案並奉

諭旨其餘出力紳董商民俟事竣分別請獎欽此

命下之日羣情感奮勇氣倍增自逆匪敗竄獨流後節經  
各紳勇幫同官兵打仗其中奮勇殺賊者有人赴  
義捐軀者有人至附城紳董出資募勇晝夜嚴防  
人自爲兵家自爲戰逆匪無間可乘窮感他竄迄  
今又將三月矣臣聞該紳勇等以續獎無期不無  
缺望且有繳還截記腰牌託詞他往者伏查天津  
爲京師保障現在逆氛密邇風鶴時驚兼之海運  
不日可到防範稽查在在緊要誠不可不亟爲激  
勸以作士氣而固人心應請

飭下文謙等遵照前

旨續將出力之人迅速奏請獎勵並將節次陣亡各勇按  
名詳查議卹以慰忠魂再河南懷慶湖南長沙等  
郡均以紳民禦賊保城先後蒙

恩賞加府縣學額津郡事同一律可否

飭部酌擬加額之處出自逾格

鴻慈臣爲激勸紳民保衛地方起見不敢以籍隸天津避



嫌緘默是否有當伏乞

皇上聖鑒謹

奏

咸豐四年三月

掌湖廣道御史

吳惠元

變通錢法疏

奏爲大錢壅滯亟籌變通之法以紓民困而救時艱  
仰祈

聖鑒事竊近日京城百貨騰貴鋪商歇業廛市之間紛然  
不靖諸臣將情形詳陳設法補救已奉

諭旨飭部速議矣臣愚以爲事機難緩則取效貴速必於

續天津縣志

卷十六

藝文一

奎

一轉移間使大錢通行無滯方可紓民困而救時  
艱爲今日計不可徒責民間之不行當深究所以  
不行之故而操之得其要自能推之而皆通則惟  
有庫收大錢之一法爲轉移至捷之妙用也夫現  
在各鑪鼓鑄需銅甚鉅銅無來源專恃收繳採買  
今收繳業已寥寥採買亦匪易易以多方之籌畫  
鼓鑄大錢及散之民間不能行使非民間之敢於  
抗違也上不寶貴而欲民間寶貴此必不可得之  
數也查從前庫款出入皆以銀故人皆重銀今所  
發者錢而所收者仍以銀爲主而錢不與焉新例

交庫之款現銀與寶鈔各五成未聞議及於錢也  
現在捐銅局章程以實錢一千五百文作銀一兩  
所謂實錢者乃寶鈔一成官號錢票二成是名爲  
實錢實則鈔與票而已今擬請交庫之款寶鈔仍  
按原定成數至五成之銀則令搭交官錢二成交  
捐銅局之款其二成官號錢票則概令改交官錢  
每錢一千文當百大錢二文當五十大錢四文當  
十大錢二十文當五大錢四十文制錢二百文均  
勻搭配出入皆準此爲例如此分別辦理臣料示  
諭一頒大錢必驟然通行蓋旣庫收大錢商民乃  
知大錢不復停止再加以交納庫款之人各處尋  
覓大錢則始所患其壅滯者旋已立見其流通矣  
庫收之後卽以收款爲發款多收百串卽可省百  
串採買之資多收千串並可省千串鼓鑄之費收  
而復發發而復收出入循環周流無滯不惟有以  
儲不竭之源而操縱有權久之銅斤可期漸裕局  
鑪可議酌減當務之急計無有便於此捷於此者  
應請

飭下部

臣核議明定章程剋日出示曉諭一轉移間大錢

行而民困紓矣

臣

愚昧之見是否有當伏乞

皇上聖鑒謹

奏

又片奏現在初定搭收大錢章程於

國計民生關係甚重全賴潔已官吏認真經理以期速爲轉移誠恐不肖州縣仍存便已之見陽奉陰違於騰黃到日秘不張貼或遲久而始張貼不然則於徵收之際授意吏胥百端挑剔不謂式樣參差卽云字畫模糊甚至誣以買私之名恐嚇訛索鄉民畏累不得不仍交實銀而去卽如民間完納錢糧奏准搭收寶鈔乃下不聞有交鈔之人上則

續天津縣志

卷十六

藝文一  
疏

七

有解鈔之事其弊可想見矣現在搭收大錢儻若藉端刁難更易措詞民間不能交錢則大錢仍爲無用尙安望其流通耶相應請

旨飭下順天府府尹直隸總督於頒發騰黃之後卽遴派廉能之員周歷各屬密爲訪查一有前項弊端卽從嚴叅辦庶不肖官吏洗心滌慮不敢再蹈前轍而錢法可暢行矣

奏

咸豐四年七月十二日奉

旨軍機大臣會同戶部速議具奏欽此

條陳鹽課錢法疏

禮科掌印給事中

吳惠元

奏爲蘆商疲敝請設法補救以裕

國課而疏錢法仰祈

聖鑒事竊長蘆鹽課俸餉所關不容虧短臣聞京引與近

畿之通州舊州采育兩營三河昌平順義房山良鄉等處鹽商皆以大錢賠累有無力辦運之勢緣前數年每銀一兩值京錢四五千文近年銀價漸長至七八千文近畿一帶竟至十千以外然銀貴而百物之價隨之故一倍至數倍可以意爲低昂至鹽價乃奏定章程分文不能加增其距京較遠

續天津縣志

卷十六

藝文一

奏

之引地俱以制錢交易尙無銀貴之累惟京引與近畿數處引地所售鹽價一律皆係大錢再以錢易銀交課名爲五成而暗中虧折與交全銀無異再益以搭鈔搭錢該商等一引之鹽價不敵一引之課款積年賠累所以力有不支而至不能辦運也夫運不能辦必致誤課不過將該商參革而已惟是參一商則一商之引地虛懸而課亦無著矣查長蘆參商引地數年以來已虛懸至七十餘處之多無著課款計亦有數十萬兩之鉅現在京引等商賠累情形如此若不及早補救則此數處商

課恐又無著矣伏思京師根本之地民間生計日艱豈可再有淡食之虞且商力不能運鹽私梟必乘間而起良可慮也前以錢法壅滯諸臣奏請設法疏通經王大臣等議以順天直隸各屬錢糧與長蘆鹽課俱准搭交大錢三成已奉

諭旨允行在案乃兩旬以來仍不稍見流通推原其故總

由大錢不能驟然行遠故民懷觀望若再因循坐視恐過此以往補救愈難臣愚以爲法無積久而

不變政貴因時以制宜查京引與近畿各商所售鹽價既全係大錢且賠累亦由於此莫若因其勢

續天津縣志

卷十六

藝文一  
疏

六

而利導之卽令將銀款改交大錢則該商所售鹽價無庸來京易銀必全數轉運於津而不疾而速自有莫能遏者如謂於撥解之款有所窒礙查此數商不及長蘆十分之一交款亦不及全課十分之一蘆綱留支之項甚多儘可以錢項抵發於撥解之款未必遂見絀也蓋急則治其標救變之法不得不權宜於一時如果一二年後錢法暢行銀價平落再體察情形仍復舊章易耳總之直隸之行大錢與否以天津爲斷天津之行大錢與否以鹽務爲斷而京引與近畿各商尤爲轉移至捷

之關鍵如此量爲變通於課款錢法兩有裨益而商困亦可稍蘇矣臣愚昧之見是否有當伏乞

皇上聖鑒謹

奏

咸豐六年九月初七日奉

旨該部議奏欽此

亟籌流通大錢疏

禮科掌印給事中

吳惠元

奏爲亟籌流通大錢以濟時艱仰祈

聖鑒事竊維近年來銅斤短絀部

臣

議以鑄大錢鑄鐵錢

所以裕經費便民用也然惟都城百里內外行之

續天津縣志

卷十六

藝文一疏

七

稍遠則不能周轉至上年愈形壅滯始則重銅輕

鐵繼則重鐵輕銅秋冬之間忽重票輕錢迨本年

新正之初當十鐵錢又截然不行而於當十銅錢

復任意挑剔以致百物騰貴鋪戶歇業人心皇皇

有不能終日之勢

臣

恭讀十一日

諭旨飭順天府五城剴切曉諭並著直隸督

臣

等飭屬實

力奉行仰見我

皇上塵念時艱勤懇無已之至意乃今已旬餘鐵錢之不

行如故物價之日增如故鋪戶之歇業仍如故街

市囂然日甚一日夫以京師億萬之衆株守大錢

嗷嗷無以易食誠大可慮矣昨據都統劉鉅奏請於直省應徵銀款改收大錢已奉

諭旨飭下部議

臣

愚以爲不獨直省錢糧等項宜改收大

錢卽崇文門順天府與長蘆鹽務所有地丁稅課各款凡搭成之銀俱宜按照以銀折錢章程不分銅鐵一律改收大錢如此變通辦理刊刻謄黃限以時日徧行張貼曉諭臣料不出一月不獨當十銅錢可無他慮卽當十鐵錢亦可復行蓋綱舉而目自張制其流曷若清其源大錢之不行弊在官而不在民現在軍民交困已幾幾乎無可措手矣

續天津縣志

卷十六

藝文一疏

三

非寬其收納之途不能救其弊非普示以上無重銀輕錢之意無以堅其信而破其疑誠使有司各官公爾忘私認真經理毋損下以益上不朝更而暮改則利權操於上風流令行又何奸商之能把持耶臣爲亟籌救時起見是否有當伏乞

皇上宸衷獨斷飭部議行謹

奏

咸豐七年正月二十一日奉

旨軍機大臣會同戶部速議具奏欽此